



SAKSFRAMLEGG

Sakshandsamar: Jan Erik Boge	Arkivkode: FE-033
Arkivsaksnr: 20/494	Løpenr: 20/5485
Sakstype: Politisk sak	

SAKSGANG

Styre, utval, komité m.m.	Møtedato	Saksnr
Kommunestyret	18.06.2020	041/2020

Faste saker

18.06.2020 Kommunestyret:

Handsaming i møtet:

Godkjenning av møteinnkalling og sakliste

Øyvind Strømmen (MDG) sa at han reagerte på at det var ekstraordinært kommunestyremøte berre ei veke etter førre kommunestyremøte. Han bad ordføraren om grunngjeving for kvifor det var nødvendig med ekstraordinært møte, samt kvifor han som medlem i kommunestyret ikkje hadde fått vita om møtet før Dagbladet skreiv om saka 13.06.2020. Også Arild Røen (H) stilte spørsmål ved møteinnkallinga. Ordførar Knut Harald Frøland (BI) orienterte etter dette om bakgrunnen for at han fann det nødvendig med eit ekstraordinært kommunestyremøte no.

Eventuelle merknader til protokoll frå førre møte

Ingen merknader.

Orienteringar

Ingen saker.

Utvalet sitt kvarter

Prioriteringar for utbetring av kommunale bygg

Odd Arne Haga (Frp) tok opp at han har blitt oppmerksam på at administrasjonen i kommunen etterlyser prioritering på å vøla bygga våre. Han viste til at det akkurat er gjort eit krystallklart politisk vedtak på prioritering. Han viste òg til at det alt for tre år sidan vart gjort vedtak om å byggja heis på kommunehuset. Han sa at han er overraska over at administrasjonen etterlyser prioritering, og han ville vita kva som skjer. Rådmannen kunne ikkje svara på dette i møtet.

Utsifting av vass- og kloakkrøyr på Tysse og spyling av vassleidningsnett

Jon Magne Borgevik (Ap) viste til at ifølgje økonomiplanen skal kommunen vera begynt med utsifting av vass- og kloakkrøyr på Tysse. Han spurde om dette arbeidet er i gang. Han spurde òg om det er i

påvente av dette arbeidet at det ikkje er gjennomført spyling i det kommunale vassleidningsnettet. Rådmann Charlotte Hageberg orienterte om at så vidt ho veit, er arbeidet med utskifting av røyr ikkje påbegynt. Det var planlagt at arbeidet skulle starta opp i vår, men det har blitt utsett på grunn av koronapandemien. Ho sa vidare at ho ville koma tilbake med informasjon om kva som no er framdriftsplanen for dette arbeidet.

KS- 041/2020 Vedtak:

Møteinnkallinga og saklista vert godkjent.

Rådmannen sitt framlegg til vedtak:

- Møteinnkallinga og saklista vert godkjent.
- Delegerte vedtak/referatsaker vert tekne til orientering.

Oversikt over faste saker:

Godkjenning av innkalling og sakliste.

Eventuelle merknader til protokoll frå førre møte.

Delegerte vedtak/referatsaker.

Utvalet sitt kvarter.